

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0052349 23  
Zenica, 11.02.2025. godine

OPĆINSKOM SUDU U ZENICI  
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Protiv,

**D. S.** , neosuđivan, ne vodi se drugi krivični postupak protiv njega,

**Da je,**

Dana 16.02.2023. godine, oko 17:50 časova, na području grada Z., upravljajući putničkim motornim vozilom marke „Audi“ registarskih oznaka ..., krećući se gradskom ulicom iz smjera D.u smijeru R., suprotno članu 28. stav 1. i 2. Zakona o osnovama bezbjednosti saobraćaja na putevima BiH, vozio naročito neoprezno i nedovoljno pažljivo da u slučaju potrebe može blagovremeno zaustaviti vozilo ispred pješačkog prelaza kako bi propustio pješake koji prelaze ili stupaju na pješački prelaz, svjestan da tako vozeći može ugroziti javni saobraćaj i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, pa postupajući suprotno odredbama člana 111. stav 3. Zakona o osnovama bezbjednosti saobraćaja na putevima BiH, u ulici L., nije propustio pješaka T. Š. koji je prelazio kolovoz na obilježenom pješačkom prelazu sa desne strane na lijevu stranu, gledajući iz pravca smjera kretanja vozila, i time tako ugrozio bezbjednost saobraćaja, uslijed čega je svojim desnim dijelom vozila kojim je upravljao udario pješaka T. Š. koji je od udara pao na kolovoz i tom prilikom zadobio teške tjelesne ozljede u vidu nagnječenja desnog kuka te prelom acetabulum-ačašice kuka, nakon čega se, iako je znao i bio svjestan da je svojim vozilom udario T.Š. i da je isti ostao ležati povrijeđen na kolovozu, nije zaustavio, nego se nastavio kretati i tako ostavio bez pomoći T. Š., a što je i htio,

**dakle**, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugog prouzrokovao tešku tjelesnu ozljedu, te ostavio bez pomoći osobu koju je povrijedio svojim vozilom,

**čime bi** počinio krivično djelo iz člana 336. stav 3. KZ F BiH "Teška krivična djela protiv sigurnosti javnog prometa", a u vezi sa članom 332. stav 3. KZ F BiH "Ugrožavanje javnog prometa" i krivično djelo "Neukazivanje pomoći osobi ozlijeđenoj u prometnoj nezgodi" iz člana 337 stav 1., a sve u vezi sa članom 54. KZ F BiH.